

magistris, qui palam sigillis suis comprobarunt, quæ tota caterua improbauerat. Tandem quum seniorum illorum sigilla conspicerent, regiùmque privilegium, vel pudore fracti, vel quia se frustra conari & niti cernebant, deputatorum suorum calculo approbari passi sunt in ædibus bidelli sui. Solent enim ad subleuandam Facultatē, vt dicunt, quæ non facile congregatur tam copiosa, (crescit enim in dies fucorū numerus) deputatos creare: & vt pecunia parcatur quæ singulis congregatis distribuēda foret: tum verò maxime ne adsint ij, quos probè norunt approbaturus quod damnatum volunt. Iurant autem deputati se arcana celaturos, nequa intercessio moram afferat. Ita fit vt decreta quantumuis iniusta & barbara, à grege rerū inscio nulla difficultate comprobentur: adde quòd multi reluctatē licet cōsciētia, ne synagoga priuētur, subscribere non dubitant. Illi, illi inquā, deputati sententiam pro sua libidine impunè ferunt contra innocentes, ignibus adiudicāt, iudicibus deferunt sententiā suā, nomine tamē Facultatis: cuius authoritate iudices contenti, nō ultrā inquirunt. Ita innoxij & pij homines belluino